

Na osnovu Rješenja, broj P-96 direktora KJKP "Park" d.o.o. Sarajevo od 11.01.2024. i Odluke broj P-998.04-24 Uprave KJKP "Park" d.o.o. Sarajevo od 07.03.2024. objavljuje se slijedeći

STALNI JAVNI POZIV „Postani sponzor Pionirske doline i zoo vrta“

KJKP "Park" d.o.o. Sarajevo u čijem sastavu je RZC "Pionirska dolina" i zoo vrt poziva zainteresirane pravne subjekte sa sjedištem u Bosni i Hercegovini za dostavljanje Pisma namjere za sponzorstvo rada i razvoja RZC "Pionirska dolina" i zoo vrta i zaključivanja sponzorskog aranžmana sa KJKP "Park" d.o.o. Sarajevo.

KJKP "Park" d.o.o. Sarajevo i Rekreativno- zabavni centar „Pionirska dolina“ i zoo vrt potaknuti dugogodišnjom tradicijom evropskih zoo vrtova Odlukom br. P998.04-24 od 07.03.2024. dodjeljuje mogućnost sponzoriranja RZC „Pionirske doline“ i zoo vrta.

U svim evropskim zoo vrtovima sponzorstvo je dokazano kao dobra i pozitivna praksa kako za primaoca sponzoriranih sredstava tako i za sponzore. Vođeni tom idejom osjećamo se slobodnim predložiti Vam upravo RZC "Pionirska dolina" i zoo vrt kao idealno mjesto za promociju Vaših usluga, u kojem od 200.000 posjetilaca godišnje - polovina su djeca i mladi. Društvena odgovornost Vaše kompanije bila bi iskazana kroz sponzorstvo koje s druge strane omogućava zdravstvenu zaštitu i nabavku hraniva za životinje, uređenje postojećih nastambi, izgradnju novih, te edukaciju posjetilaca u zoo vrtu.

Također, ukoliko se odlučite postati Sponzor našeg zoo vrta omogućit ćete bolji i brži razvoj jedinog zoo vrta u našoj zemlji i još kvalitetniji život njegovih stanovnika.

Sponzorstvo traje jednu godinu s mogućnošću produženja, regulisano je ugovorom, a sponzorski paketi su:

- Bronzani sponzor za 5.000 KM

Obezbijedeno mjesto za isticanje Vaše reklame- logo Vaše kompanije, na mjestu ili nastambi gdje se dvije strane dogovore (reklamna ploča 40X40). PR tekst o sponzorstvu na našem web portalu i zvaničnim portalima na društvenim mrežama koji imaju više od 6.000 pratilaca. Učešće u četiri godišnje manifestacije u okviru kojih Pionirsku dolinu za jedan dan posjeti više hiljada posjetilaca. Službenu zahvalnicu zoo vrta.

- Srebrni sponzor za 10.000 KM

Obezbijedeno mjesto za isticanje Vaše reklame- logo Vaše kompanije, na mjestu ili nastambi gdje se dvije strane dogovore (reklamna ploča 60 X 40). Mogućnost prezentacije Vaše kompanije u krugu RZC „Pionirska dolina“ i zoo vrta jednom godišnje. Tri PR teksta o sponzorstvu na našem web portalu i zvaničnim

portalima na društvenim mrežama koji imaju više od 6.000 pratilaca. Učešće u četiri godišnje manifestacije u okviru kojih Pionirsku dolinu za jedan dan posjeti više hiljada posjetilaca. Službenu zahvalnicu zoo vrta.

- Zlatni sponzor za 15.000 KM

Obezbijedeno mjesto za isticanje Vaše reklame- logo Vaše kompanije, na mjestu ili nastambi gdje se dvije strane dogovore (reklamna ploča 60X60). Mogućnost organiziranja prezentacije (event) Vaše kompanije u krugu RZC „Pionirska dolina“ i zoo vrt dva puta godišnje. Četiri PR teksta o sponzorstvu na našem web portalu i zvaničnim portalima na društvenim mrežama koji imaju više od 6.000 pratilaca. Učešće u četiri godišnje manifestacije u okviru kojih Pionirsku dolinu za jedan dan posjeti više hiljada posjetilaca. Službenu zahvalnicu zoo vrta.

- Dijamantni sponzor za 20.000 KM i više

Obezbijedeno mjesto za isticanje Vaše reklame- logo Vaše ustanove, na mjestu ili nastambi gdje se dvije strane dogovore (reklamna ploča 80X80). Mogućnost organiziranja prezentacije (event) Vaše kompanije u krugu RZC „Pionirska dolina“ i zoo vrt na početku i na kraju ljetne sezone. Pet i više PR tekstova o sponzorstvu na našem web portalu i zvaničnim portalima na društvenim mrežama koji imaju više od 6.000 pratilaca. Učešće u četiri godišnje manifestacije u okviru kojih Pionirsku dolinu za jedan dan posjeti više hiljada posjetilaca. Službenu zahvalnicu zoo vrta.

Sponzorstvo ne može iznositi manje od 5.000 KM na godišnjem nivou.

Ukoliko se na Stalni javni poziv prijave dva ili više sponzora za istu kategoriju, svaki sponzor dobit će jednak i ravnopravan tretman.

Ugovorom o sponzorstvu preciznije će se urediti prava i obaveze ugovornih strana. Pismo namjere mora sadržavati iznos koji sponzor namjerava uložiti u sponzorstvo. KJKP“Park”d.o.o.Sarajevo zadržava pravo da ne zaključi ugovor o sponzorstvu sa ponuđačem sponzorstva za kojeg se utvrdi da njegova poslovna politika nije u skladu sa poslovnom politikom KJKP“Park”d.o.o.Sarajevo, te zakonskom legislativom Kantona Sarajevo.

Direktor KJKP“Park”d.o.o.Sarajevo će imenovati komisiju koja će izvršiti analizu svake prispjele ponude, poduzimati sve radnje do okončanja postupka utvrđivanja statusa sponzora i podnijeti izvještaj o svom radu direktoru Preduzeća.

Odluku o prihvatanju sponzorstva na prijedlog Komisije donosi direktor KJKP“Park”d.o.o.Sarajevo.

Pismo namjere sa obrazloženjem zainteresirani ponuđači sponzorstva mogu dostavljati konstantno tokom kalendarske godine, putem pošte na adresu ul. Patriotske lige 58, 71 000 Sarajevo ili direktno na protokol KJKP“Park”d.o.o.Sarajevo, u upravnu zgradu, u ulici Patriotske lige 58 (Pionirska dolina) Sarajevo.

Pismo namjere treba biti zapakovano u koverat sa naznakom “Pismo namjere za sponzorstvo rada i razvoja RZC“Pionirska dolina” i zoo vrt”- NE OTVARAJ.

Integralni tekst Stalnog javnog poziva objavljen je na službenoj web stranici KJKP "Park" d.o.o. Sarajevo (www.park.ba) i oglasnoj ploči preduzeća u ulici KJKP "Park" d.o.o. Sarajevo, a informacija o javnom pozivu objavljena je u skraćenom obliku u dnevnom listu "Oslobođenje" deset dana od dana donošenja Odluke P-998.04-24, dana 07.03.2024. godine.

Predsjednik Uprave

Direktor KJKP "Park" d.o.o. Sarajevo

